

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA

**Komisija za jednakopravnost spolova**

Broj: 02/9-02-2277/23

Sarajevo, 22. septembra 2023. godine

Bosna i Hercegovine  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 05-10-2023			
Org. jed.	Broj	Priloga	Vrijednost

DOMU NARODA  
PARLAMENTA FBiH

Komisija za jednakopravnost spolova Doma naroda Parlamenta Federacije Bosne i Hercegovine (u daljnjem tekstu: Komisija) održala je 21. septembra 2023. godine 3. sjednicu na kojoj je, prema jednoglasno utvđenom dnevnom redu, razmatrala sljedeće:

- Planiranje aktivnosti na utvrđivanju i izradi prijedloga zakona o zaštiti od nasilja u porodici;
- Planiranje aktivnosti za nastavak parlamentarne procedure izmjena i dopuna Krivičnog zakona Federacije BiH;

Komisija, na osnovu člana 51., a u vezi s članom 63. Poslovnika o radu Doma naroda Parlamenta Federacije Bosne i Hercegovine, podnosi sljedeći:

## I Z V J E Š T A J

### **Planiranje aktivnosti na utvrđivanju i izradi prijedloga zakona o zaštiti od nasilja u porodici**

Nakon uvodnog izlaganja predsjednice Komisije, predlagač Nacrta zakona za zaštitu od nasilja u porodici u Federaciji BiH, usvojenog u oba doma Parlamenta FBiH, delegat Doma naroda, Vitor Handžić, naglasio je kompliciranost i dugotrajnost procedure donošenja konkretnog zakona te izrazio bojazan da bi, ukoliko sada bude zaustavljena procedura donošenja, moglo proći mnogo vremena do novog prijedloga zakona.

Emira Dizdarević, stručna savjetnica za prevenciju maloljetničke delinkvencije, nasilja u porodici, nasilja nad djecom i trgovine ljudima iz Federalnog ministarstva rada i socijalne politike, istakla je da zakoni već postoje, i da bi se valjanim doradama mogli učiniti efikasnijima. Također je naglasila da se ne bi smjelo dešavati, kao što je, kako je rekla, sada slučaj, da se donose zakoni koji nisu provodivi.

Usljedila je diskusija u kojoj su učestvovalе prisutne članice i iznijele svoje primjedbe, prijedloge i sugestije. Ujedno je obavljena i rasprava o drugoj tački dnevnog reda:

### **Planiranje aktivnosti za nastavak parlamentarne procedure izmjena i dopuna Krivičnog zakona Federacije BiH**

Komisija je, zatim, na prijedlog predsjednice jednoglasno usvojila sljedeće:

## ZAKLJUČKE:

1. Neophodno je donošenje zakonskog rješenja koje će se na adekvatan način baviti problemom nasilja u porodici. Pri izradi novog ili izmjeni postojećeg propisa u obzir treba uzeti važeći Zakon o zaštiti od nasilja u porodici, kao i druge propise koji su trenutno u parlamentarnoj proceduri. Novi, odnosno izmijenjeni propis, morao bi biti usklađen sa Istanbulsom konvencijom.
2. Komisija će od Ministarstva pravde Federacije BiH tražiti da dostave zaključke sa sastanka radne grupe, održanog 20.09.2023. godine, a vezano za izradu, odnosno unaprjeđenje Zakona o zaštiti od nasilja u porodici i izmjene Krivičnog zakona FBiH.
3. Na osnovu dobivenih zaključaka i mišljenja prije sljedećeg zasjedanja, Komisija će definirati rokove za donošenje novog, odnosno poboljšanog zakona za zaštitu od nasilja u porodici, te izmjena Krivičnog zakona kojima će biti osigurana bolja zaštita žrtve kao i adekvatnija sankcija počinitelju nasilja.

Za izvjestiteljicu na sjednici Doma naroda određena je Aida Obuća, predsjednica Komisije.

PREDSJEDNICA KOMISIJE

Aida Obuća

